

歷代名畫記目錄

第一卷

敘畫之源流

敘畫之興廢

敘自古畫人姓名

論畫六灋

論畫山水樹石

第二卷

歷代名畫記

目錄

論傳授南北時代

論顧陸張吳用筆

論畫體工用搨寫

論名價品第

論鑒識收藏閱玩

第三卷

敘自古跋尾押署

敘自古公私印記



及古閑

論裝背標軸

記兩京外州寺觀畫壁

述古之祕畫珍圖

第四卷

敘歷代能畫人名

自軒轅至唐會昌
凡三百七十二人

軒轅時一人

周一人

齊一人

歷代名畫記

目錄
二

汲古閣

秦一人

前漢六人

後漢六人

魏四人

吳二人

蜀二人

第五卷

晉二十三人

第六卷

宋二十八人

第七卷

南齊二十八人

梁二十人

第八卷

陳一人

後魏九人

歷代名畫記

目錄

汲古閣

北齊十人

後周一人

隋二十一人

第九卷

唐朝上一百二十八人

第十卷

唐朝下七十九人

歷代名畫記目錄終

歷代名畫記卷第一

唐河東張彥遠愛賓撰



明東吳毛晉子晉訂

叙畫之源流

夫畫者成教化助人倫窮神變測幽微與六籍同功四時並運發於天然非繇述作古先聖王受命應籙則有龜字効靈龍圖呈寶自巢燧以來皆有此瑞迹映乎瑤牒事傳乎金冊庖犧氏發於榮河歷代名畫記

卷之一

汲古閣

中典籍圖畫萌矣軒轅氏得於溫洛中史皇蒼頡狀焉奎有芒角下主辭章頡有四目仰觀垂象因儷鳥龜之跡遂定書字之形造化不能藏其秘故天雨粟靈怪不能遁其形故鬼夜哭是時也書畫同體而未分象制肇創而猶略無以傳其意故有書無以見其形故有畫天地聖人之意也按字學之部其體有六一古文二奇字三篆書四佐書五繆篆六鳥書在幡信上書端象鳥頭者則畫之流

也漢末大司空甄豐校字體有六書古文卽孔子壁中書奇字卽古文之異者篆書卽小篆也佐書秦隸書也繆篆所以摹印璽也鳥音卽幡信上作蟲鳥形狀也顏光祿云圖載

之意有三一曰圖理卦象是也二曰圖識字學是也三曰圖形繪畫是也又周官教國子以六書其

三曰象形則畫之意也是故知書畫異名而同體

也周禮保章氏掌六書指事識聲象形會意轉注假借皆蒼頡之遺法也洵乎有虞

作繪繪畫明焉旣就彰施仍深比象於是禮樂大

闡教化繇典故能揖讓而天下治煥乎而詞章備

歷代名畫記卷之一汲古閣

廣雅云畫類也爾雅云畫形也說文云畫畛也象

田畛畔所以畫也釋名云畫挂也以彩色挂物象

也故鼎鐘刻則識魑魅而知神姦旂章明則昭軌

度而備國制清廟肅而罇彝陳廣輪度而疆理辨

以忠以孝盡在於雲臺有烈有勳皆登於麟閣見

善足以戒惡見惡足以思賢畱乎形容式昭盛德

之事具其成敗以傳旣往之蹤記傳所以叙其事

不能載其容賦頌有以詠其美不能備其象圖畫

之制所以兼之也故陸士衡云丹青之興比雅頌之迹作美大業之馨香宣物莫大於言存形莫善於画此之謂也善哉曹植有言曰觀画者見三皇五帝莫不仰戴見三季異主莫不悲惋見篡臣賊嗣莫不切齒見高節妙士莫不忘食見忠臣死難莫不抗節見放臣逐子莫不歎息見姪夫妒婦莫不側目見令妃順后莫不嘉貴是知存乎鑒戒者圖画也昔夏之衰也桀爲暴亂太史終抱画以奔商殷之亡也紂爲淫虐內史摯載圖而歸周燕丹請獻秦皇不疑蕭何先收沛公乃王圖画者有國之鴻寶理亂之紀綱是以漢明宮殿贊茲粉繪之功蜀郡學堂義存勸戒之道馬后女子尚願戴君於唐堯石勒羯胡猶觀自古之忠孝豈同博奕用心自是名教樂事余嘗恨王充之不知言云人觀圖画上所画古人也視画古人如視死人見其面而不若觀其言行古賢之道竹帛之所載燦然矣

歷代名画記

卷之一
三

汲古閣

豈徒墻壁之畫哉余以此等之論與夫大笑其道
詬病其儒以食與耳對牛鼓簧又何異哉

叙畫之興廢

圖畫之妙爰自秦漢可得而記降于魏晉代不乏
賢洎乎南北哲匠間出曹衛顧陸擅重價於前董
展孫楊垂妙迹于後張鄭兩家高步於隋室大安
兄弟首冠於皇朝此蓋尤所烜赫也世俗知尚者
其餘英妙今亦殫論漢武創置秘閣以聚圖書漢

歷代名畫記

卷之一
四

汲古閣

明雅好丹青別開畫室又創立鴻都學以集奇藝
天下之藝雲集及董卓之亂山陽西遷圖畫縑帛
軍人皆取爲帷囊所收而西七十餘乘遇雨道艱
半皆遺弃魏晉之代固多藏蓄胡寇入洛一時焚
燒宋齊梁陳之君雅有好尚晉遭劉曜多所毀散
重以桓玄性貪好奇天下法書名畫必使歸已及
玄篡逆晉府真迹玄盡得之何法盛晉中興書云
劉牢之遣子敬宣詣玄請降玄大喜陳書畫芙蓉

之玄敗宋高祖先使臧喜入宮載焉南齊高帝科
其尤精者錄古來名手不以遠近爲次但以優劣
爲差自陸探微至范惟賢四十二人爲四十二等
二十七秩三百四十八卷聽政之餘旦夕披玩梁
武帝尤加寶異仍更搜葺元帝雅有才藝自善丹
青古之珍奇充牣內府侯景之亂太子綱數夢秦
皇更欲焚天下書旣而內府圖畫數百函果爲景
所焚也及景之平所有畫皆載入江陵爲西魏將
歷代名畫記

卷之一
五

汲古閣

于謹所陷元帝將降乃聚名画法書及典籍二十
四萬卷遣後閣舍人高善寶焚之帝欲投火俱焚
宮嬪牽衣得免吳越寶劍並將斫柱令折乃歎曰
蕭世誠遂至于此儒雅之道今夜寤矣于謹等於
煨燼之中收其書畫四千餘軸歸于長安故顏之
推觀我生賦云人民百萬而囚虜書史千兩而煙
颺史籍已來未之有也溥天之下斯文盡喪陳天
嘉中陳主肆意搜求所得不少及隋平陳命元帥

記室叅軍裴矩高頰收之得八百餘卷隋帝於東
京觀文殿後起二臺東曰妙楷臺藏自古法書西
曰寶蹟臺收自古名畫煬帝東幸揚州盡將隨駕
中道船覆大半淪弃煬帝崩並歸宇文化及化及
至聊城爲竇建德所取留東都者爲王世充所取
聖唐武德五年尅平僭逆擒二僞主兩都秘藏之
迹維揚扈從之珍歸我國家焉乃命司農少卿宋
遵賈載之以船泝河西上將致京師行經砥柱忽

歷代名畫記

卷之一
六

汲古閣

遭漂沒所存十亡一二

國初內庫只有三百卷並隋朝以前相承御府所寶

太宗皇帝特所耽玩更於人間購求天后朝張易
之奏召天下画工修內庫圖画因使工人各推所
長銳意模寫仍舊裝背一毫不差其真者多歸易
之易之誅後爲薛少保稷所得薛歿後爲岐王範
所得玄宗弟謚惠文太子王初不陳奏後懼乃焚之時薛少
保與岐王範石泉公王方慶家所蓄圖画皆歸於
天府祿山之亂耗散頗多肅宗不甚保持頌之貴

戚貴戚不好鬻於不肖之手物有所歸聚于好事之家及德宗艱難之後又經散失甚可痛也自古兵火亟焚江波屢鬪年代寔遠失墜彌多儻時君之不尚則闕其搜訪非至人之賞玩則未辨妍蚩所以駿骨不來死鼠爲璞嗟乎今之人衆藝鮮至此道尤衰未曾誤點爲蠅惟見亡成類狗彥遠家代好尚高祖河東公會祖魏國公相繼鳩集名迹先是魏國公與司徒汧公李勉並佐霍國公關內三

歷代名畫記

卷之一
七

汲古閣

軍幕府

王忠禮

霍公平定兩京魏公之策也魏公與

汧公因其同寮遂成久要並列藩閫齊居台衡雅

會襟靈琴書相得汧公博古多藝窮精蓄奇魏晉

名蹤盈於篋笥許詢逸少經年共賞山泉謝傳戴

逵終日惟論琴畫

汧公任南海日於羅浮山得片石汧公子兵部員外郎約又於

潤州海門山得雙峰石並爲好事所寶悉見傳授又汧公手斲雅琴尤佳者曰響泉曰韻罄汧公在滑州魏公在西川金玉之音山川亡間盡緘塗匣以表嘉貺西川幕客司空曙賦曰白雪高吟際青霄遠望中誰言路遐曠宮徵暗相通時汧公并寄重寶琴解及琴薦成在焉

大父高平

公與愛弟主客員外郎

彥遠叔 祖名諡

及汧公愛子纘

嗣部

中纘弟約

兵部員外郎字存博

更叙通舊遂契忘言遠同莊

惠之交近得荀陳之會大門請纘爲判官約與主

客皆高謝榮宦琴尊自樂終日陶然士流企望莫

及也繇是萬卷之書盡歸王粲一厨之画惟寄桓

玄李兵部又於江南得蕭子雲壁書飛白蕭字匣

之以歸洛陽授余叔祖致之修善里構一亭號曰

蕭壘

王涯相倚權勢負之而趨太和末爲亂兵元所壞其蕭字本末具余所撰法書要錄中

元

歷代名画記

卷之一

汲古閣

和十三年高平公鎮太原不能承奉中貴爲監軍

使內官魏弘簡所忌無以指其瑕且驟言於憲宗

曰張氏富有書画遂降宸翰索其所珍惶駭不敢

緘藏科簡登時進獻乃以鍾張衛索真迹各一卷

二王真迹各五卷魏晉宋齊梁陳隋雜迹各一卷

顧陸張鄭田楊董展洎國朝名手画合三十卷表

上曰伏以前代帝王多求遺逸朝觀夕覽收鑒於

斯陛下睿聖欽明凝情好古聽政之暇將以怡神

前件書畫歷代共寶是稱珍絕其陸探微蕭史圖
妙冠一時名居上品所希睿鑒別賜省覽又別進

玄宗馬射真圖

永寶府司馬陳閔畫

表曰玄宗天縱神武藝

冠前王凡所游畋必存繪事豈止雲夢殪兕楚人
美旌蓋之雄潯陽射蛟漢史稱舳艫之盛前件圖

臣瞻奉先靈素所寶惜陛下旁求珍迹以備石渠
祖宗之美敢不獻呈

掌書記監察御史李德裕制詞

手詔荅曰卿

慶傳台鉉業嗣弓裘雄詞冠於一時奧學窮乎千

歷代名畫記

卷之一
九

汲古閣

古圖書兼蓄精博兩全別進玄宗馬射真圖恭獲

披捧瞻拜感咽聖靈如臨其鍾張等書顧陸等畫

古今共寶有國所珍朕以視朝之餘得以寓目因

知丹青之妙有合造化之功欲觀象以省躬豈好

奇而玩物况煩章奏嘉歎良深其書畫並收入內

庫世不復見其餘者長慶初大父爲內貴魏弘簡

門人宰相元稹所擠出鎮幽州遇朱克融之亂皆

失墜矣非戎虜所愛及事定頗有好事購得之彥

遠時未齟歲恨不見家內所寶其進奉之外失墜之餘存者纔二三軸而已雖有豪勢莫能求旃嗟爾後來尤須靳固宜抱漆書而興歎莫將棊柿以藩身聊因暇日編爲此記且撮諸評品用明乎所業亦探於史傳以廣其所知

後漢孫暢之有述畫記梁武帝陳姚最謝

歷代名畫記

卷之一

汲古閣

不載詳之近古遺脫至多蓋是世上未見其蹤又述作之人不廣求耳嗚呼自古忠孝義烈湮沒不稱者曷勝記哉况書畫耶聖唐至今二百三十年奇藝者駢羅耳目相接開元天寶其人最多何必六法俱全

六法解在下篇

謂或人物或屋宇或山水或鞍

馬或鬼神或花鳥各有所長

自史皇至今大唐會昌元年凡三百七十餘人編次無差銓量頗定此外旁求錯綜

心目所鑒言之無隱將來者有能撰述其或繼之

時大中元年歲在丁卯

○叙歷代能画人名自軒轅至唐會昌凡三百七十人

軒轅時一人

史皇

周一人

封膜

齊一人

敬君

歷代名画記

卷之一
十一

汲古閣

秦一人

烈裔

前漢六人

毛延壽

劉白

陽望

後漢六人

趙岐

陳敞

龔寬

樊育

劉褒

蔡邕

張衡

劉旦

楊魯

魏四人

曹髦

楊脩

桓範

徐邈

吳二人

曹不興

吳王趙夫人

蜀二人

歷代名畫記

卷之十二

汲古閣

諸葛亮

亮子瞻

晉二十三人

明帝

荀勗

張墨

衛協

王廙

王羲之子獻之

康昕

顧愷之

史道碩

謝稚

夏侯瞻

嵇康

溫嶠

謝巖

曹龍

丁遠

楊惠

江思遠

王濛

戴達

達子敦
敦弟顥

宋二十八人

陸探微

探微子綏
綏弟弘肅

顧寶光

宗炳

王微

謝莊

袁倩

倩子質

歷代名畫記

卷之一
十三

汲古閣

史敬文

史藝

劉斌

尹長生

顧駿之

康允之

顧景秀

吳暕

張則

劉胤祖

胤祖子璞

蔡斌

濮萬年

萬年弟道興

史粲

朱僧辯

褚靈石

范惟賢

南齊二十八人

宗 測

劉係宗

姚曇度

子釋惠覺

遵道愍

甥沙門僧珍

章繼伯

范懷珍

鍾宗之

王 奴

王 殿

戴 蜀

陳公息

陶景真

張季和

沈 標

歷代名畫記

卷之一十四

汲古閣

謝 赫

沈 粲

丁 光

周曇研

謝惠連

謝 約

虞 堅

丁 寬

劉 瑱

毛惠遠

弟惠秀子稜

梁二十人

元 帝

子方等

蕭大連

蕭 賁

陸 杲

陶弘景

張僧繇 子善果善果弟儒童

袁昂

焦寶願

嵇寶鈞

聶松

解倩

陸整

江僧寶

僧威公

僧吉底俱

僧摩羅菩提

僧迦佛陀

陳一人

歷代名畫記

卷之一
十五

汲古閣

顧野王

後魏九人

蔣少遊

郭善明

侯文和

柳儉

閔文和

郭道興

楊乞德

王由

祖班

北齊十人

高孝珩

蕭放

楊子華

田僧亮

劉殺鬼

曹仲達

殷英童

高尚士

徐德祖

曹仲璞

後周一人

馮提伽

隋二十一人

歷代名畫記

卷之一
十六

汲古閣

閻毗

何稠

劉龍

龍弟
袞

展子虔

鄭法士

弟法輪
子德文

孫尚子

董伯仁

楊契丹

劉烏

陳善見

江志

李雅

王仲舒

閻思光

解棕

程瓚

尉遲跋質那

僧曇摩拙义

唐二百六人

漢王元昌

弟韓王元嘉
滕王元嬰

閻立德

弟立本

張孝師

范長壽

何長壽

尉遲乙僧

劉孝思

靳智翼

王定

梁寬

吳智敏

歷代名画記

卷之一
十七

汲古閣

康薩陀

王知慎

王韶應

檀智敏

楊須跋

趙武端

范龍樹

周烏孫

楊德紹

陳義

殷敎

殷季友

許琨

僧法明

錢國養

左文通

王陀子

牛昭

吳道子

張愛兒

楊惠之

貞明

程進

韓伯通

竇弘果

毛婆羅

孫仁貴

金忠義

翟琰

李生

張藏

楊庭光

歷代名畫記

卷之一
十八

盧稜伽

姚景仙

武靜藏

董寧

陳靜心

弟靜眼

程雅

楊坦

坦子爽

楊仙喬

解倩

馮紹正

姜皎

李思訓

弟思誨思誨子林甫林甫弟昭道林甫姪湊

薛稷

郎餘令

汲古閣

曹元廓

劉行臣

暢晉子明

楊寧

楊昇

張萱

尹琳

李仲昌

李嗣真

韋無忝弟無縱

朱抱一

竺元標

蔡金剛

毛嵩

姚彥山

程遜

歷代名畫記

卷之一
十九

汲古閣

董好子

楊樹兒

耿純

任貞亮

陸庭曜

暢整

李相國

陳慤

劉智敏

史晟

何君墨

京元成

崔霞

冷元琇

馬光業

李蠻子

馬樹鷹

祝丘

潘細衣

周子敬

段去惑

僧智瑰

殷令名

殷聞禮

子仲容

談皎

僧金剛三藏

張遵禮

王紹宗

宋令文

司馬承禎

盧鴻

釋脩然

歷代名畫記

卷之二十一

汲古閣

鄭虔

鄭逾

曹霸

李果奴

果奴孫士昉

韓幹

孔榮

陳闕

孟仲暉

杜景祥

王允之

王維

張諲

劉方平

王熊

王象

田琦

竇師綸

江都王緒

李逖

李平鈞

崔陽元

李昺

張維亘

李滔

張通

耿昌言

弟昌期

周古言

嚴杲

楊德本

具俊

李韶

魏晉孫

歷代名畫記

卷之一
二十一

蒯廉

白旻

韓嶷

子文肅

陳庭

高江

車道政

滕王湛然

齊皎

皎弟映

朱審

王宰

畢宏

楊炎

史瓚

裴諝

韋鑿

弟鑿子鷗

張璪

汲古閣

陳曇

顧況

沈寧

劉商

劉整

劉之奇

邊鸞

于錫

強頴

梁廣

陳庶

陳恪

恪子積善

戴重席

劉之章

周昉

趙博文

兄博宣

歷代名畫記

卷之一
二十二

汲古閣

王肅

鄭寓

韓滉

戴嵩

嵩弟暉

李漸

子仲和

蕭祐

周太素

魏庭

蕭悅

張志和

侯莫陳廈

僧道芬

鄭町

梁洽

項容

吳恬

王默

論畫六法

昔謝赫云畫有六法一曰氣韻生動二曰骨法用筆三曰應物象形四曰隨類賦彩五曰經營位置六曰傳模移寫自古畫人罕能兼之彥遠試論之曰古之畫或能移其形似而尚其骨氣以形似之外求其畫此難可與俗人道也今之畫縱得形似而氣韻不生以氣韻求其畫則形似在其間矣上

歷代名畫記

卷之一
二十三

汲古閣

古之畫迹簡意澹而雅正顧陸之流是也中古之畫細密精緻而臻麗展鄭之流是也近代之畫煥爛而求備今人之畫錯亂而無旨衆工之迹是也夫象物必在於形似形似須全其骨氣骨氣形似皆本於立意而歸乎用筆故工畫者多善書然則古之嬪孌纖而胸束古之馬喙尖而腹細古之臺閣竦峙古之服飾容曳故古畫非獨變態有奇意也抑亦物象殊也至於臺閣樹石車輿器物無生

動之可擬無氣韻之可侔直要位置向背而已顧
愷之曰画人最難次山水次狗馬其臺閣一定器
耳差易爲也斯言得之至於鬼神人物有生動之
可狀須神韻而後全若氣韻不周空陳形似筆力
未遒空善賦彩謂非妙也故韓子曰狗馬難鬼神
易狗馬乃凡俗所見鬼神乃譎怪之狀斯言得之
至於經營位置則画之總要自顧陸以降画迹鮮
存難悉詳之唯觀吳道玄之迹可謂六法俱全萬

歷代名画記

卷之一
二十四

汲古閣

象必盡神人假手窮極造化也所以氣韻雄狀幾
不容於縑素筆迹磊落恣意於牆壁其細画又
甚稠密此神異也至於傳模移寫乃画家末事然
今之画人粗善寫貌得其形似則無其氣韻具其
彩色則失其筆法豈曰画也嗚呼今之人斯藝不
至也宋朝顧駿之常結構高樓以爲画所每登樓
去梯家人罕見若時景融朗然後含毫天地陰慘
則不操筆今之画人筆墨混於塵埃丹青和其泥

滓徒汗絹素豈曰繪画自古善画者莫匪衣冠貴
胄逸士高人振鈔一時傳芳千祀非閭閻鄙賤之
所能爲也

論画山水樹石

魏晉以降名迹在人間者皆見之矣其画山水則
群峰之勢若鈿飾犀櫛或水不容泛或人大於山
率皆附以樹石映帶其地列植之狀則若伸臂布
指詳古人之意專在顯其所長而不守於俗變也

歷代名画記

卷之一
二十五

汲古閣

國初二閭擅美匠學楊展精意宮觀漸變所附尚
猶狀石則務於雕透如水澌斧刃繪樹則刷脉鏤
葉多栖梧苑桺功倍愈拙不勝其色吳道玄者天
付勁毫幼抱神奧往往於佛寺画壁縱以怪石崩
灘若可捫酌又於蜀道寫貌山水由是山水之變
始於吳成於二李李將軍
李中書樹石之狀鈔於韋鷗窮
於張通張璪
也通用紫毫秃鋒以掌摸色中遺巧
飾外若混成又若王右丞之重深楊僕射之奇贍

朱審之濃秀王宰之巧密劉商之取象其餘作者
非一皆不過之近代有侯莫陳厦沙門道芬精緻
稠沓皆一時之秀也吳興郡南堂有兩壁樹石余
觀之而歎曰此画位置若道芬迹類宗偃是何人
哉吏對曰有徐表仁者初爲僧號宗偃師道芬則
入室今寓於郡側年未衰而筆力奮疾召而來徵
他筆皆不類遂指其單複曲折之勢耳剽心晤成
若宿構使其凝意且啓幽襟迨乎構成亦竊奇狀
歷代名画記

卷之一
二十六

汲古閣

向之兩壁蓋得意深奇之作觀其潛蓄嵐巖遮藏
洞泉蛟根束鱗危幹凌碧重質委地青飈滿堂吳
興茶山水石奔異境與性會乃召於山中寫明月
峽因叙其所見庶爲知言知之者解頤不知者拊
掌

歷代名畫記卷第二

叙師資傳授南北時代

自古論畫者以顧生之迹天然絕倫評者不敢一

二余見顧生評論魏晉畫人深自推挹衛協衛協顧愷

之並見第五卷即知衛不下於顧矣只如狸骨之方右軍

歎重龍頭之畫謝赫推高名賢許可豈肯容易後

之淺俗安能察之詳觀謝赫評量最為允愜姚李

品藻有所未安姚最李嗣真也李駿謝云衛不合在顧之

歷代名畫記卷之二汲古閣

上全是不知根本良可於愜只如晉室過江王廙

書畫為第一書為右軍之法畫為明帝之師晉平南將

軍王廙字世將今言書畫一向吠聲但推逸少明帝而不

重平南如此之類至多聊且舉其一二若不知師

資傳授則未可議乎畫今粗陳大略云至如晉明

帝師於王廙衛協師於曹不興顧愷之張墨荀勗

師於衛協衛張同時并有畫聖之名史道碩王微師於荀勗衛

協戴逵師於范宣荀衛之後范宣第一逵子敦敦弟顛師於

父已上陸探微師於顧愷之探微子綏弘肅並師

於父顧寶光袁倩師於陸倩子質師於父顧駿之

師於張墨張則師於吳暕吳暕師於江僧寶劉胤

祖師於晉明帝胤祖弟紹祖子璞並師於胤祖已上

宋姚曇度子釋惠覺師於父遠道敏師於章繼伯

遠後勝於章也道敏甥僧珍師於道敏沈標師於謝赫周

曇妍師於曹仲達毛惠遠師於顧惠遠弟惠秀子

稜並師於惠遠皆不及惠遠袁昂師於謝張鄭袁尤

歷代名画記卷之二汲古閣

得綺羅之妙也張僧繇子善果儒童並師於父解倩師於

聶松遠道敏道敏不及解倩焦寶願師於張謝江僧寶師

於袁陸及戴江長於画人已上梁田僧亮師於董展田楊與董展聲

價相侔田揚鄭三人同時也曹仲達師於袁袁勝曹已上北齊鄭法士

師於張張之高足法士弟法輪子德文並師於法士不

也法士孫尚子師於顧陸張鄭尚子鞍馬樹石幾勝於法士陳善

見師於楊鄭善見寫榻楊鄭之迹不辨李雅師於張僧繇王仲

舒師於孫尚子已上二閻師於鄭張楊展兼師於父毗毗

在隋朝

范長壽何長壽並師於張

何勞於范

尉遲乙僧師

於父

尉遲跋質那在隋朝

陳廷師於乙僧

乙僧外國陳廷次之

靳智翼

師于曹

曹創佛事画佛有曹家樣張家樣及吳家樣

吳智敏師於梁寬

寬勝智敏

王智慎師於閻

極類閻之迹而少劣

檀智敏師於董吳

道玄師於張僧繇

又師於張孝師又授筆法於張長史旭

盧稜伽楊

庭光李生張藏並師於吳

各有所長稜伽庭光為上足

劉行臣

師於王韶應韓幹陳閔師於曹霸王紹宗師於殷

仲容

已上國朝画人近代皆不載也

各有師資遙相做効或自開

歷代名画記

卷之二

汲古閣

戶牖或未及門墻或青出於藍或冰寒於水似類

之間精粗有別只如田僧亮楊子華楊契丹鄭法

士董伯仁展子虔孫尚子閻立德閻立本並祖述

顧陸僧繇田則郊野柴荆為勝楊則鞍馬人物為

勝契丹則朝廷簪組為勝法士則游宴豪華為勝

董則臺閣為勝展則車馬為勝孫則美人魑魅為

勝閻則六法備該萬象不失所言勝者以觸類皆

能而就中尤所偏勝者俗所共推展善屋木且不

知董展同時齊名展之屋木不及於董李嗣真云
三休輪奐董氏造其微六轡沃若展生居其駿而
董有展之車馬展無董之臺閣此論爲當若論衣
服車輿土風人物年代各異南北有殊觀畫之宜
在乎詳審只如吳道子畫仲由便戴木劍閭令公
畫昭君已着幃帽殊不知木劍創於晉代幃帽興
於國朝舉此凡例亦畫之一病也且如幅巾傳於
漢魏羣離起自齊隋幃頭始於周朝

折上巾軍旅所服卽今幃

歷代名畫記

卷之二

汲古閣

頭也用全幅早向後幃髮俗謂之幃頭自武帝建德中裁爲四脚也巾子創於武德

胡服靴衫豈可輒施於古象衣冠組綬不宜長用於今人芒屨非塞北所宜牛車非嶺南所有詳辯古今之物商較土風之宜指事繪形可驗時代其或生長南朝不見北朝人物習熟塞北不識江南山川遊處江東不知京洛之盛此則非繪畫之病也故李嗣真評董展云地處平原闕江南之勝迹叅戎馬乏簪裾之儀此是其所未習非其所不至

如此之論便爲知言譬如鄭玄未辯榷梨蔡謨不

識磅蟹魏帝終削典論

初以其無火浣布著典論言之刊於太學後有外國

獻火浣布遂削弃典論也

隱居有味藥名

陶隱居本草多未曉北地藥名也

吾

之不知益闕如也雖有不知豈可言其不博精通者所宜詳辯南北之妙迹古今之名蹤然後可以議乎書

論顧陸張吳用筆

或問余以顧陸張吳用筆如何對曰顧愷之之迹

歷代名畫記

卷之二
五

汲古閣

緊勁聯綿循環超忽調格逸易風趨電疾意存筆先畫盡意在所以全神氣也昔張芝學崔瑗杜度草書之法因而變之以成今草書之體勢一筆而成氣脉通連隔行不斷唯王子敬明其深旨故行首之字往往繼其前行世上謂之一筆書其後陸探微亦作一筆畫連綿不斷故知書畫用筆同法陸探微精利潤媚新奇妙絕名高宋代時無等倫張僧繇點曳斫拂依衛夫人筆陳圖一點一畫別

是一巧鉤戟利劍森森然又知書畫用筆同矣國朝吳道玄古今獨步前不見顧陸後無來者授筆法於張旭此又知書畫用筆同矣張旣號書顛吳宜爲畫聖神假天造英靈不窮衆皆密於盼際我則離披其點畫衆皆謹於象似我則脫落其凡俗彎弧挺刃植柱構梁不假界筆直尺虬鬚雲鬢數尺飛動毛根出肉力健有餘當有口訣人莫得知數仞之畫或自臂起或從足先巨壯詭怪膚脉連結過於僧繇矣或問余曰吳生何以不用界筆直尺而能彎弧挺刃植柱構梁對曰守其神專其一合造化之功假吳生之筆向所謂意存筆先畫盡意在也凡事之臻妙者皆如是乎豈止畫也與乎庖丁發矟郢匠運斤効顰者徒勞捧心代斲者必傷其手意旨亂矣外物從焉豈能左手劃圓右手劃方乎夫用界筆直尺界筆是死畫也守其神專其一是真畫也死畫滿壁曷如汚墁真畫一劃見

其生氣夫運思揮毫自以爲畫則愈失於畫矣運
思揮毫意不在於畫故得於畫矣不滯於手不凝
於心不知然而然雖彎弧挺刃植柱構梁則界筆
直尺豈得入於其間矣又問余曰夫運思精深者
筆迹周密其有筆不周者謂之如何余對曰顧陸
之神不可見其矜際所謂筆跡周密也張吳之妙
筆纔一二像已應焉離披點畫時見軼落此雖筆
不周而意周也若知畫有疎密二體方可議乎畫
歷代名畫記

卷之二
七

汲古閣

或者領之而去

論畫體工用榻寫

夫陰陽陶蒸萬象錯布玄化亡言神工獨運草木
敷榮不待丹碌之采雲雪飄颺不待鉛粉而白山
不待空青而翠鳳不待五色而絳是故運墨而五
色具謂之得意意在五色則物象乖矣夫畫物特
忌形貌采章歷歷具足甚謹甚細而外露巧密所
以不患不了而患於了既知其了亦何必了此非

不了也若不識其了是真不了也夫失於自然而後神失於神而後妙失於妙而後精精之爲病也而成謹細自然者爲上品之上神者爲上品之中妙者爲上品之下精者爲中品之上謹而細者爲中品之中余今立此五等以包六法六法已具第一卷以貫衆妙其間詮量可有數百等孰能周盡非夫神邁識高情超心惠者豈可議乎知畫夫工欲善其事必先利其器齊統吳練冰素霧綃精潤密緻機歷代名画記卷之二八

汲古閣

杼之妙也武陵水井之丹磨差之沙越雋之空青

蔚之曾青武昌之扁青

上品石綠

蜀郡之鉛華

黃丹也出本草

始興之解錫

胡粉

研鍊澄汰深淺輕重精麤林邑崑

崙之黃

雌黃也忌胡粉同用

南海之蟻鈿

紫鈿也造粉燕脂吳綠謂之赤膠也

雲中之鹿膠吳中之鰓膠東阿之牛膠

采章之用也

漆

姑汁鍊煎並爲重采鬱而用之

古画皆用漆姑汁若鍊煎謂之鬱色

於綠色上重用之

古畫不用頭綠大青

画家呼麤綠爲頭綠麤青爲大青

取其精華接而用之百年傳致之膠千載不剝絕

仍食竹之毫一劃如劍有好手畫人自言能畫雲
氣余謂曰古人畫雲未爲臻妙若能沾溼綃素點
綴輕粉縱口吹之謂之吹雲此得天理雖曰妙解
不見筆蹤故不謂之畫如山水家有潑墨亦不謂
之畫不堪倣効江南地潤無塵人多精藝三吳之
跡八絕之名逸少右軍長康散騎書畫之能其來
尚矣淮南子云宋人善畫吳人善治治賦色也不亦然
乎好事家宜置宣紙百幅用法蠟之以備摹寫顧

歷代名畫記

卷之二
九

汲古閣

之有摹
搨妙法

古時好搨畫十得七八不失神采筆蹤亦

有御府搨本謂之官搨國朝內庫翰林集賢祕閣
搨寫不輟承平之時此道甚行艱難之後斯事漸
廢故有非常好本搨得之者所宜寶之既可希其
真蹤又得畱爲證驗遍觀衆畫唯顧生畫古賢得
其妙理對之令人終日不倦凝神遐想妙悟自然
物我兩忘離形去智身固可使如槁木心固可使
如死灰不亦臻於妙理哉所謂畫之道也顧生首

創維摩詰像

見第四卷

有清羸示病之容隱几忘言之

狀陸與張皆効之終不及矣

張墨陸探微張僧繇並畫維摩詰居士終

不及顧之所創者也

論名價品第

或曰昔張懷瓘作書估論其等級甚詳君曷不詮定自古名畫爲畫估焉張子曰書畫道殊不可渾詰書卽約字以言價畫則無涯以定名况漢魏三國名蹤已絕於代今人貴耳賤目罕能詳鑒若傳歷代名画記

卷之二十一

汲古閣

授不昧其物猶存則爲有國有家之重寶晉之顧宋之陸梁之張首尾完全爲希代之珍皆不可論價如其偶獲方寸便可械持比之書價則顧陸可同鍾張僧繇可同逸少書則逡巡可成畫非歲月可就所以書多於畫自古而然今分爲三古以定貴賤以漢魏三國爲上古則趙岐劉褒蔡邕張衡

已上四人後漢

曹髦楊脩桓範徐邈

已上四人魏

曹不興

吳諸

葛亮

蜀

之流是也以晉宋爲中古則明帝荀勗衛

協王廙顧愷之謝稚嵇康戴逵已上八人陸探微顧

寶光袁倩顧景秀之流是也已上四人以齊梁北齊

後魏陳後周為下古則姚曇度謝赫劉瑱毛惠遠

已上四人元帝袁昂張僧繇江僧寶已上四人楊子華

日僧亮劉殺鬼曹仲達已上四人蔣少游楊乞德已上

二人顧野王陳馮提伽後周之流是也隋及國初為

近代之價則董伯仁展子虔孫尚子鄭法士楊契

丹陳善見已上六人張孝師范長壽尉遲乙僧王知

歷代名畫記卷之二十一 汲古閣

慎閻立德閻立本已上六人之流是也上古質略徒

有其名畫之蹤跡不可具見中古妍質相參世之

所重如顧陸之跡人間切要下古評量科簡稍易

辯解迹涉今時之人所悅其間有中古可齊上古

顧陸是也下古可齊中古僧繇子華是也近代之

價可齊下古董展楊鄭是也國朝畫可齊中古則

尉遲乙僧吳道玄閻立本是也若詮量次第有數

百等今且舉俗之所知而言凡人間藏蓄必當有

顧陸張吳著名卷軸方可言有圖畫若言有書籍

豈可無九經三史顧陸張吳爲正經揚鄭董展爲

三史其諸雜迹爲百家

吳雖近可
爲正經

必也手揣卷軸

口定貴賤不惜泉貨要藏篋笥則董伯仁展子虔

鄭法士楊子華孫尚子閻立本吳道玄屏風一片

值金二萬次者售一萬五千

自隋已前多画屏風
未知有画幃故以屏

風爲
准也

其楊契丹田僧亮鄭法輪乙僧閻立德一扇

值金一萬且舉俗間諳悉者推此而言可見流品

歷代名画記

卷之二
十二

汲古閣

夫中品藝人有合作之時可齊上品藝人上品藝

人當未適之日偶落中品唯下品雖有合作不得

廁於上品在通博之人臨時鑒其妍醜只如張顛

以善草得名楷隸未必爲人所寶余曾見小楷樂

毅虞褚之流韋鷗以畫馬得名人物未必爲人所

貴余見畫人物顧陸可儔夫大畫與細畫用筆有

殊臻其妙者乃有數體只如王右軍書乃自有數

體及諸行草各繇臨時構思淺深耳畫之臻妙亦

猶於書此須廣見博論不可匆匆一槩而取昔裴孝源都不知畫妄定品第大不足觀但好之則貴於金玉不好則賤於瓦礫要之在人豈可言價

論鑒識收藏購求閱玩

夫識書人多識畫自古蓄聚寶玩之家固亦多矣

已具第一卷中

則有收藏而未能鑒識鑒識而不善閱玩

者閱玩而不能裝褫裝褫而殊亡銓次者此皆好事者之病也貞觀開元之代自古盛時天子神聖

歷代名畫記

卷之二
十三

汲古閣

而多才士人精博而好藝購求至寶歸之如雲故

內府圖書謂之大備

國初左僕射蕭瑀及許善心楊素褚安福家並進圖書兼

隋代所有乃成林藪貞觀六年虞世南褚遂良等奉勅簡閱開元十年十二月太子中允張暉充知搜訪書畫使天寶中徐浩充採訪圖畫使前後不可具載名代也或有進獻以獲

官爵或有搜訪以獲錫賚

開元中有商胡穆聿別識圖書遂直集賢告許

搜求至德中白身受金吾長史改名詳時有潘淑善以獻書畫拜官遼東人王昌括州人葉豐長安人田穎洛陽人杜福劉翌河內人齊光皆別識販賣此輩雖憐業好事而迹類藩身又有侍御史集賢直學士史維則充使博訪圖書懸以爵賞所獲不少建中四年徐浩侍郎自云昏耄奏男疇前試

國子司業兼太原縣令竇蒙蒙弟簡較戶部員外郎汴宋節度叅謀泉並皆別識勅並用之貞元初有賣書画人孫方顥與余家買得真迹不少今又有男盈在長安頃年又有趙晏皆爲別識也 又

有從來蓄聚之家自號圖書之府

開元中鄒王府司馬竇瓚潁川

人也右補闕席異安定人也監察御史潘履慎滎陽人也金部郎中蔡希寂濟陽人也給事中竇紹欽州婺源縣令滕昇吳郡人也陸曜東都人福先寺僧朏同官尉高至渤海人也國子主簿晁溫太原人也鄆縣尉崔曼倩永王府長史陳閎潁川人也監察御史薛邕太原人郭暉並是別識收藏之人近則張郎中從申侍郎惟素從申子也蕭桂州祐李方古婦侍郎登道士盧元卿韓侍郎愈裴侍郎璘段相鄒平公中書令晉公裴度李太尉德裕 蓄聚既多必有佳者妍

歷代名画記

卷之二 十四

汲古閣

蚩渾雜亦在詮量是故非其人雖近代亦朽蠹得其地則遠古亦完全其有晉宋名跡煥然如新已歷數百年紙素彩色未甚敗何故開元天寶間蹤跡或已耗散良由寶之不得其地也夫金出於山珠產於泉取之不已爲天下用圖畫歲月既久耗散將盡名人甄士不復更生可不惜哉夫人不善寶玩者動見勞辱卷舒失所者操揉便損不解裝褫者隨手棄捐遂使真迹漸少不亦痛哉非好事

者不可妄傳書畫近火燭不可觀書畫向風日正
食飲唾涕不洗手並不可觀書畫昔桓玄愛重圖

書每示賓客客有非好事者正食寒具

按寒具卽今之環餅

以酥油煑之遂污物也

以手捉書畫大點污玄惋惜移時自

後每出法書輒令洗手人家要置一平安床褥拂

拭舒展觀之大卷軸宜造一架觀則懸之凡書畫

時時舒展卽免蠹溼余自弱年鳩集遺失鑒玩裝

理晝夜精勤每獲一卷遇一幅必孜孜葺綴竟日

歷代名畫記

卷之二
廿五

汲古閣

寶玩可致者必貨弊衣減糲食妻子僮僕切切嗤

咲或曰終日爲無益之事竟何補哉旣而歎曰若

復不爲無益之事則安能悅有涯之生是以愛好

愈篤近於成癖每清晨閒景竹窗松軒以千乘爲

輕以一瓢爲倦身外之累且無長物唯書與畫猶

未忘情旣頽然以忘言又怡然以觀閱常恨不得

竊觀御府之名迹以資書畫之廣博又好事家難

以假借况少真本書則不得筆法不能結字已墜

家聲爲終身之痛畫又迹不逮意但以自娛與夫
熬熬汲汲名利交戰於胸中不亦猶賢乎昔陶隱
居啓梁武帝曰愚固博涉患未能精苦恨無書願
作主書令史晚愛楷隸又美典掌之人人生數紀
之內識解不能周流天壤區區惟恣五慾實可愧
耻每以得作才鬼猶勝頑仙此陶隱居之志也由
是書畫皆爲清妙况余凡鄙於二道能無癖好哉

今彥遠又別撰集法書要錄等共爲二十一
卷好事者得余二書則書畫之事畢矣

歷代名畫記

卷之二
十六

汲古閣

歷代名畫記卷二終

歷代名畫記卷第三

叙自古跋尾押署

前代御府自晉宋至周隋收聚圖畫皆未行印記
但備列當時鑒識藝人押署

宋

張則

袁倩

陸綏

齊

歷代名畫記

卷之三

汲古閣

劉璵

毛惠遠

梁

沈熾文

唐懷允

徐僧權

孫子真

庾於陵

法象

徐湯

孫達

姚懷珍

范胤祖

江僧寶

滿騫

陳延祖

顧操

陳

杜僧譚

黃高

北齊

丁道矜

隋

江總

姚察

朱异

何妥

歷代名画記

卷之三

汲古閣

大業年月日

奉勅裝

開皇年月日

內史薛道衡署名跋尾

亦有開皇年月日

參軍事學士諸葛穎諮議參軍開府學士柳顧言釋智果

唐朝武德初秦王府跋尾

主簿上開府薛收文學褚亮亦有褚亮下更署

虞世南姓名

貞觀中褚河南等監掌裝背並有當時鑒識人押

署跋尾官爵姓名貞觀十一年月日

兵曹史樊行整裝合若干

紙宣義郎行參軍李德穎數功曹參軍金川縣開國男平儼典司馬行相州都督府司馬蘇勗監銀

青光祿大夫行黃門侍郎
扶風縣開國男章挺監

十二年月日 題署同
十一年

十三年月日 將仕郎直弘文館臣王行直裝起居
郎臣褚遂良監司空許州都督趙國

公臣無忌開府儀同三司尚書左僕射太子少師
梁國公臣玄齡特進尚書左僕射申國公臣士廉
特進鄭國公臣徵吏部尚書左僕射臣君集犯法
後亦有楷却處中書令駙馬都尉安德郡開國公
臣楊師道左衛大將軍武陽縣開國公臣李大亮
光祿大夫民部尚書莒國公臣唐儉光祿大夫禮
部尚書河間郡王臣孝恭刑部尚書彭城縣開國
公臣劉德威兼太常卿扶風縣開國男臣韋挺少
府監安昌縣開國男臣馮長命銀青光祿大夫行
尚書左丞濟陽縣開國男臣唐皎亦有下署馮長

歷代名画記 卷之三 汲古閣

命唐皎二人
官爵姓名者

十四年月日 將仕郎直弘文館臣張龍樹裝某官
士廉某官徵某官楊師道起居郎臣

褚遂良亦有臣蔡檣裝其玄齡士廉魏徵師道君
集官爵姓名並同師道後有左屯衛大將軍上柱

國通川縣開國
男臣姜行本

十五年十六年月日 文林郎臣張龍樹裝行起居
郎臣褚遂良楊師道魏徵房

玄齡官爵並同上房玄
齡後無已下人姓名

十七年十八年月日 守黃門侍郎褚遂良監亡他
人官爵姓名是開元中割却

十九年月日 褚遂良監亡他人官爵
姓名是開元中割却

開元中玄宗購求天下圖書亦命當時鑒識人押署跋尾劉懷信等亦或割去前代名氏以已等名

氏代之開元五年月日

陪戎副尉王思忠裝亦有張龍樹裝王行真裝文林

郎直秘書省臣王知逸監宣義郎行左司禦率府錄事參軍臣劉懷信監十年賜名匪矜宣義郎行左驍衛率府倉曹參軍臣陸元悌監後至十一年為給事中賜名堅直集賢承議郎行左金吾衛長史臣魏哲監左散騎常侍崇文館學士上柱國舒國公臣褚無量開府儀同三司上柱國梁國公臣姚崇秘書監侍讀昭文館學士上柱國常山縣開國公臣馬懷素銀青光祿大夫行中書侍郎同中書門下平章事監修國史上柱國許國公臣蘇頲銀青光祿大夫守吏部尚書兼侍中監修國史上

歷代名畫記

卷之三

汲古閣

柱國廣平郡開國公臣宋璟

十年月日

王思忠裝同上使承議郎守殿中丞知中書尚作事安昌縣開國男臣馮紹正

使朝議大夫簡敕少府監臣陳義

十五年月日

王府大農李仙舟裝背內使尹奉祥監是集賢画院書画

建中十年月日

臣賀遂奇劉逸江等簡敕副使校庭令茹蘭芳副使內寺伯臣宋遊

瓌

已上跋尾押署書畫多同此例今略舉大例言之

餘不具載

叙古今公私印記

太宗皇帝自書貞觀二小字作二小印

貞觀

玄宗皇帝自書開元二小字成一印

開元

又有集賢印祕閣印翰林印

各以判司所收掌圖書定印

翰林文印

又有弘文之印恐是東觀舊印印書者其印至小

弘文之印

更有元和之印恐是官印多印搨本書畫

元和之印

諸好事家印有東晉僕射周顛印古小雌字

顛

歷代名畫記

卷之三五

汲古閣

又有梁朝徐僧權印

徐

唐朝魏王泰印

魏

太平公主駙馬武延秀玉印胡書四字梵音云三

藐毋馱

三藐毋馱

故潤州刺史贈左散騎常侍徐嶠之印

東

嶠之子吏部侍郎會稽郡公徐浩浩子璿印

會稽

議郎竇蒙印

竇蒙

蒙弟范陽功曹竇泉印

泉

延王友竇永二小字印

永

永

金部郎中劉繹印

彭城侯
書畫記

起居舍人李造印

陶安

鄂州司馬張懷瓘弟盛王府司馬懷瓌印

張懷瓘

劍州司馬劉知章印

劉知章

光祿大夫中書令上柱國趙國公鍾紹京印

鍾紹京

彥遠高祖中書令河東公印

張說

曾祖相國魏國公印

魏國

祖相國高平公二字小印

高平

歷代名畫記

卷之三
六

汲古閣

又有鵲瑞二字同為一印

鵲瑞

故相國司徒汧國公李勉印

李氏印

汧國公之子兵部員外郎李約印

約

又故相趙國公李吉甫印

吉甫

故御史大夫黎幹印

黎氏

故桂州觀察使蕭祐印

蕭

故相國晉國公韓滉印

滉

故相國鄴侯李泌印

鄴侯
書刻章

故犯法人宰相王涯印

永在珍秘

僕射馬總印

馬氏關書

宣州長史周昉印

周昉

劍州刺史王朏印

王朏

張敦簡印

齊臣

常出之印

已上諸印記千百年可為龜鏡

別有

羅漢司馬

安國

孟

萬古

任民

富

翰

准

同

已上並未尋討去處皆是識鑒寶玩之家印記並

歷代名画記

卷之三
七

汲古閣

可為驗證

又有褚氏書印非褚河南之印也

褚氏書印

經文書遠印信

此外更有諸家印署皆非鑒識但偶獲圖書便印

印之不足為證驗故不具錄若不識圖書不煩空

驗印記雖然自古及近代御府購求之家藏蓄傳

授閱翫其人至多是以要明跋尾印記乃是書畫

之本業耳

論裝背標軸

自晉代已前裝背不佳宋時范曄始能裝背宋武帝時徐爰明帝時虞龢巢尚之徐希秀孫奉伯編次圖書裝背爲妙梁武帝命朱异徐僧權唐懷克姚懷珍沈熾文等又加裝護國朝太宗皇帝使典儀王行真等裝褫起居郎褚遂良較書郎王知敬等監領凡圖書本是首尾完全著名之物不在輒議割截改移之限若要錯綜次第或三紙五紙三

歷代名画記

卷之三

汲古閣

扇五扇又上中下等相揉雜本亡詮次者必宜與好處爲首下者次之中者最後何以然凡人觀畫必銳於開卷懈怠將半次遇中品不覺留連以至卷終此虞龢論裝書畫之例於理甚暢凡煮糊必去筋稀緩得所攪之不停自然調熟余往往入少細研薰陸香末出自拙意永去蠹而牢固古人未之思也汧國公家背書畫入少蠟要在密潤此法得宜

趙國公李吉甫家云背書要黃硬余家有數帖黃硬書都不堪候陰陽之氣

以調適秋爲上時春爲中時夏爲下時暑溼之時不可用勿以熟紙背必皺起宜用白滑漫薄大幅生紙紙縫先避人面及要節處若縫縫相當則強急卷舒有損要令參差其縫則氣力均平太硬則強急太薄則失力縮素彩色不可擣理紙上白畫可以砧石妥帖之宜造一太平案漆板朱界制其曲直古畫必有積年塵埃須用皂莢清水數宿漬之平案扞去其塵垢畫復鮮明色亦不落補綴擡歷代名画記

卷之三
九

汲古閣

策油綃襯之直其邊際密其隙縫端其經緯就其形制拾其遺脫厚薄均調潤潔平穩然後乃以鏤沉檀爲軸首或累蠶束金爲飾白檀身爲上香潔去蟲小軸白玉爲上水精爲次琥珀爲下大軸杉木漆頭輕圓最妙前代多用雜寶爲飾易爲剝壞故貞觀開元中內府圖書一例用白檀身紫檀首紫羅標織成帶以爲官畫之標或者云書畫以標軸賈害不宜畫飾余曰裝之珍華裛以藻繡絨藤

蘊藉方爲宜稱

其古之與錦具李章武所集錦譜

必若大盜至焉

亦何計寶惜梁朝大聚圖書自古爲盛湘東之敗
烟焰漲天此其運也况乎私室寶持子孫不肖大
則胙篋以遺勢家小則舉軸以易朝饌此又時也
亦何嗟乎

記兩京外州寺觀畫壁

會昌中多毀折今亦具載亦有好事收得

畫壁在人家者

兩京寺觀等畫壁

歷代名畫記

卷之三十一

汲古閣

太清宮

殿內綉上寫玄元真是吳

薦福寺

天后飛白書額

淨土院門外兩邊吳畫神鬼南邊神頭上龍爲妙
西廊菩提院吳畫維摩詰本行變

律院北廊張璪畢宏畫

西南院佛殿內東壁及廊下行僧並吳畫未了

興善寺殿內壁畫至妙失人名

按裴錄云此寺有劉焉画恐是

西南舍利塔內曹畫西面尹琳畫

東廊從南第三院小殿柱間吳畫神工人裝損
三藏院閣畫至妙失人名

慈恩寺塔內面東西間尹琳畫西面菩薩騎師子
東面騎象

塔下南門尉遲畫西壁千鉢文殊尉遲畫

南北兩間及兩門吳畫并自題

塔北殿前牕間吳畫菩薩殿內楊庭光畫經變色
損

歷代名畫記

卷之三
十一

汲古閣

大殿東軒廊北壁吳畫未了舊傳是吳細看不是
大殿東廊從北第一院鄭虔畢宏王維等白畫
入院北壁二神甚妙失人名

兩廊壁間閻令畫中間及西廊李果奴畫行僧

塔之東南中門外偏張孝師畫地獄變已剝落
院內東廊從北第一房間南壁韋鑾畫松樹

大佛殿內東壁好畫失人名

中三門裏兩面尹琳畫神

龍興觀大門內吳畫神已摧剝

殿內東壁吳畫明真經變

北面從西第二門董諤白畫

唐安寺塔下尹琳李真畫

北堂內西壁朱審畫山水

光宅寺東菩提院內北壁東西偏尉遲畫降魔等

變殿內吳生楊廷光畫又尹琳畫西方變

玄真觀殿內玄元及侍真座上陳靜心畫樂天及

歷代名畫記

卷之三
十二

汲古閣

神殿內外程雅陳靜心畫

資聖寺

殷仲容
題額

檀章畫中三門東牕間

南北面吳畫高僧

大三門東南壁姚景仙畫經變

寺西門直西院外神及院內經變楊廷光畫

北圓塔下李真尹琳絹畫菩薩

寶刹寺佛殿南楊契丹畫涅槃等變相

與裴錄同
據裴畫錄

亦有鄭畫
今不見也

西廊陳靜眼畫地獄變又有楊廷光畫

興唐寺三門樓下吳畫神

東般若院楊廷光畫山水等

西院韓幹畫一行大師真徐浩書讚又有吳生周昉
紛畫中三門內東西偏兩壁尉遲畫

殿軒廊東面南壁吳畫

淨土院董誥尹琳楊坦楊喬畫

院內次北廊向東塔院內西壁吳畫金剛變工人
成色損

歷代名畫記

卷之三
十三

汲古閣

次南廊吳畫金剛經變及郝后等并自題

小殿內吳畫神菩薩帝釋西壁西方變亦吳畫

東南角吳弟子李生畫金光明經變

講堂內楊廷光畫

菩提寺佛殿內東西壁吳畫神鬼西壁工人布色
損佛殿壁帶間亦有楊廷光白畫

殿內東西北壁並吳畫其東壁有菩薩轉目視人
法師文淑亡何令工人布色損矣

東壁董誥畫本行經變

佛殿上构欄耿昌言畫水族

佛殿內東壁楊廷光畫

據西京記合有鄭画今亡

萬安觀公主影堂東北小院南行屋門外北壁李

昭道畫山水

淨域寺

據裴画錄此寺有孫尚子画今不見

三階院東壁張孝師畫地獄變杜懷亮書榜子

院門內外神鬼王韶應畫王什書榜子

王什杜懷亮書人罕

歷代名画記

卷之十四

汲古閣

知有書迹甚高似鍾書

景公寺東廊南間東門南壁畫行僧轉目視人

中門之東吳畫地獄并題

西門內西壁吳畫帝釋并題次南廊吳畫

三門內東西畫至妙失人名

青龍寺中三門外東西王韶應畫

安國寺東車門直北東壁北院門外畫神兩壁及

梁武帝邨后等並吳畫并題

經院小堂內外並吳畫

西廊南頭院西面堂內南北壁并中三門外東西壁梵王帝釋並楊廷光畫

三門東西兩壁釋天等吳畫工人成色損

東廊大法師院塔內尉遲畫及吳畫

大佛殿東西二神吳畫工人成色損

殿內維摩變吳畫

東北涅槃變楊廷光畫

歷代名画記

卷之三
十五

汲古閣

西壁西方變吳畫工人成色損

殿內正南佛吳畫輕成色

開元觀西廊院天尊殿前龍虎君明真經變及西

壁並楊廷光畫門西牕上下楊仙喬畫

雲花寺小佛殿有趙武端畫淨土變

西廊北院門上北面王知慎畫

寶應寺多韓幹白畫亦有輕成色者

佛殿東西二菩薩亦幹畫工人成色損

西南院小堂北壁張璪畫山水

院南門外韓幹畫側坐毗沙門天王

北下方西塔院下邊鸞畫牡丹

咸宜觀三門兩壁及東西廊並吳畫

殿上牕間真人吳畫

殿前東西二神解倩畫

殿外東頭東西二神西頭東西壁吳生并楊廷光

畫牕間寫真及明皇帝上佛公主等圖陳閔畫

歷代名画記

卷之三
十六

汲古閣

永壽寺三門裡吳畫神

千福寺

在安定坊會昌中毀
寺後却置不改舊額

寺額上官昭容書

毀寺

後有僧收得
再置却懸之

中三門外東行南太宗皇帝撰聖教

序

弘福寺沙門懷
仁集王右軍書

西行楚金和尚法華感應碑

顏魯

公書徐
浩題額

碑陰 沙門飛錫撰
吳通微書

東塔院

額高力
土書

涅槃鬼神

楊惠
之書

門屋下內外面楊

廷光白画鬼神并門屋下兩面四五間

西塔院玄宗皇帝題額

北廊堂內南嶽智顛息大禪師法華七祖及弟子

影弟子壽王主簿韓幹敬貌遺法弟子沙門飛錫撰頌并書繞塔板上傳法二

十四弟子盧稜伽韓幹画裏面吳生画時菩薩現吳生貌塔北普賢菩薩

鬼神似是尹琳畫相傳云是楊廷光画画時筆端舍利從空而落塔院門

兩面內外及東西向裏各四間吳畫鬼神帝釋極妙

塔院西廊沙門懷素草書天師真韓幹畫此東塔玄宗感

夢置之

楚金真吳畫彌勒下生變韓幹正画細小稠鬧

歷代名画記卷之三十七汲古閣

院門北邊碑顏魯公書岑勛撰南邊碑張芬書向裏面壁上

碑吳通微書僧道秀撰造塔人木匠李伏橫石作張愛兒石井欄篆書李陽

冰石作東閣肅宗置面東碑韓擇木張愛兒八分書王掎撰天台智者大

師碑張芬書殊師利菩薩佛殿東院西行南院殿內有李綸画普賢菩薩田琳画文

崇福寺武后題額西庫牛昭王陁子畫山水

東山亭劉整畫山水

西庫門外西壁神吳畫自題

西庫門外西壁神吳畫自題

化度寺

殷仲容題額

楊廷光楊仙喬畫本行經變盧稜

伽畫地獄變今殘兩頭少許耳

溫國寺淨土院尹琳畫三門內吳畫鬼神南北牕

門畫神失人名

定水寺

王羲之題額從荊州將來

殿內東壁北二神西壁三帝

釋並張僧繇畫

從上元縣移來

餘七神及下小神並解倩

畫

殿內東壁孫尚子畫維摩詰其後屏風臨古迹帖

歷代名畫記

卷之三十八

汲古閣

亦妙

中間亦孫尚子畫東間不是孫亦妙失人名

內東西壁及前面門上並似展畫甚妙前面有三

圓光皆突生壁牕間菩薩亦妙

奉恩寺中三門外西院北尉遲畫本國王及諸親

族次塔下小畫亦尉遲畫此寺本是乙僧宅

龍興寺佛殿鄭法輪畫

懿德寺三門樓下兩壁神中三門東西華嚴變並

妙三門西廊東靜眼畫山水

大殿內畫極妙失人名

勝光寺西北院小殿南面東西偏門上王定畫行僧及門間菩薩圓光

三門外神及帝釋楊仙喬畫

三門北南廊尹琳畫

塔東南院周昉畫水月觀自在菩薩掩障菩薩圓光及竹並是劉整成色

歷代名畫記

卷之三
十九

汲古閣

西明寺

玄宗朝南薰殿學士劉子臯書額

入西門南壁楊廷光畫

神兩鋪成色損

東廊東面第一間傳法者圖讚褚遂良書第三間利防等第四間曇柯迦羅並歐陽通書

寺東崇福寺壁碾陳積善畫山水

三階院蔡金剛范長壽畫

淨法寺殿後張孝師畫地獄變

東壁范長壽畫

與裴孝源錄同

西壁亦妙失人名

空觀寺本周時村佛堂遶壁當時名手畫佛堂在
寺東廊南院佛殿南面東西門上袁子昂畫又有
三絕是佛殿門扇孔雀及二龍

崇聖寺西殿內董伯仁畫

東殿展子虔畫展画與裴錄同西北鄭德文畫

淨景寺殷仲容題額

濟度寺殷仲容題額

玄都觀殿內范長壽畫

歷代名画記 卷之三 二十 汲古閣

海覺寺歐陽詢題額 三門內王韶應畫小殿前面董畫

像

雙林塔西面展畫後面云是鄭畫尤妙

西南院門北壁畫神失名甚妙或云鄭法士

壽果寺殿內畫甚妙失人名

紀國寺西禪院小堂鄭法輪畫甚碎

褒義寺殿後東西畫似是王定

佛殿西壁涅槃變盧稜迦畫自題

西禪院殿內杜景祥王元之畫

大雲寺東浮圖北有塔俗呼爲七寶塔隋文帝造
馮提伽畫瘦馬并帳幕人物已剝落又東壁北壁
鄭法輪畫西壁田僧亮畫外邊四面楊契丹畫本
行經據裴錄此寺亦有展
画其田楊鄭並同塔東义手下畫辟邪雙
目隨人轉盼

三階院牕下曠野雜獸似是張孝師

西南淨土院遶殿僧至妙失人名

歷代名画記

卷之三
二十一

汲古閣

永泰寺殿及西廊李雅畫聖僧

東廊懸門楊契丹畫

東精舍鄭法士畫滅度變相

總持寺門外東西吳畫成色損

佛殿內西面孫尚子畫

三藏院小佛殿四壁尹琳李昌畫

堂內李重昌畫恩大師影

莊嚴寺

兩寺並殷
令名題額

南門外壁白蕃神尹琳畫

中門外東西廬稜迦畫兩壁甚大

祕書省薛稷畫鶴賀知章題詩在東祕書廳郎餘
今畫鳳在書閣柱上都不成畫不堪觀先亦有小
山水在書閣上今已無御史臺殿中廳吳畫山水
據其畫跡不是吳又蕭桂州祐畫山水將作監劉
整畫山水太常寺太卿後廳梁洽畫山水

禪定寺

裴孝源畫錄云
有陳善見畫

西禪寺

裴孝源云有
孫尚于畫

歷代名畫記

卷之三
二十二

汲古閣

開業寺

裴錄云有曹仲達李
雅楊契丹鄭法士畫

清禪寺

裴錄云有
鄭法士畫

延興寺

裴錄云有鄭
法士李雅畫

已上上都

東都寺觀畫壁

福先寺三階院吳畫地獄變有病龍最妙

寺三門兩頭亦似吳畫

係本寺
三階院

天宮寺三門吳畫除災患變板上二菩薩張僧繇

畫從江南將來

長壽寺門裏東西兩壁鬼神吳畫

佛殿兩軒行僧亦吳畫

萊園精舍內王韶應畫

敬愛寺

據裴孝源畫錄云有孫尚子画彦遠按敬愛寺是中宗皇帝為高宗武后置孫尚子

是隋朝画手裴君所記為謬矣

佛殿內菩薩樹下彌勒菩薩塑像

麟德二年自內出王玄策取到西域所圖菩薩像

為樣

巧兒張壽宋朝塑王玄策指揮李安貼金

東間彌勒像

張智藏塑即張壽之

歷代名画記

卷之三 二十三

汲古閣

弟也陳永承成

西間彌勒像

實弘果塑已上三處像光及化生等並是劉爽刻

殿

中門西神

實弘果塑

殿中門東神

趙雲質塑今謂之聖神也

此一殿

功德並鈔選巧工各騁奇思莊嚴華麗天下共推

西禪院殿內佛事并山

並實弘果塑

東禪院殿若臺內

佛事中門兩神大門內外四金剛并獅子崑崙各

二并迎送金剛神王及四大獅子兩食堂講堂兩

聖僧

已上並是實弘果塑

大殿內東西面壁畫

劉行臣描

維摩詰

盧舍那

並劉行臣描趙龕成自餘並聖曆已後劉茂德皇甫節共成

法華太子

變劉茂德成西壁西方佛會趙武十六觀及閻羅

王變劉阿西禪院北壁華嚴變張法北壁門西一

間佛會及山水何長人物等張法受描東西兩壁

西方彌勒變并禪院門外道西行道僧並神龍後

董忠禪院內西廊壁畫開元十年日藏月藏經變

及業報差別變吳道子描翟琰成罪福報東禪院

殿內十輪變武靜東壁西方變蘇思忠描殿間菩

薩及內廊下壁武靜藏描講堂內大寶帳開元三

歷代名画記卷之三汲古閣

淨起樣隨隱起等是張阿乾生銅天后大香爐高

尺五寸濶四尺重二千斤又大金銅香爐毛婆羅樣後更加木

張阿乾蠟樣金銅幡十三口長一丈二尺張李八寫并畫絹

幡十三口成又四口亦長一丈二尺雜手成

大院紗廊壁行僧中門內已西並趙武端描惟唐

亦中門內已東五僧師叙第六僧已東至東行南

頭第二門已南並劉行已北並趙武端描武中門

西邊紗廊外面並聖曆已後劉茂中門內立神大

門內坐神

並劉行臣描

中門東立神及神之東西兩鬼

聖曆後有神英法師令何長壽掃却欲重描神英京兆黨何生洛下衆僧黨劉行臣時人以何生雖善山水至於画神不如劉劉爲關東獨步與西京長壽齊各洛下之意抑何進劉不許神英之請還遣行臣之子茂德續其父画今中門東神及兩鬼腰已上新接者亦不迨其父矣

其日藏

日藏經變有病龍又妙於福先寺者殿內則天真

山亭院十輪經變華嚴經並武靜藏畫龍王面上

蜥蜴及懷中所抱鷄尤妙 山亭院北及門樓內

兩廂震亶支提二神並劉行臣畫今暗第二門東

歷代名画記

卷之三二十五

汲古閣

神亦行臣畫今暗

彥遠遊西京寺觀不得遍惟敬愛寺得細探討故爲詳備

龍興寺西禪院殿東頭展畫八國王分舍利

大雲寺門東兩壁鬼神佛殿上菩薩六軀淨土經

變閣上婆叟仙並尉遲畫黃犬及鷹最妙

弘聖寺陳靜眼張志畫

昭成寺西廊障日西域記圖楊廷光畫

三門下護法二神張遵禮畫

香爐兩頭淨土變藥師變程遜畫

聖慈寺西北禪院程遜畫本行經變維摩詰并諸功德楊廷光畫

弘道觀東封圖是吳畫兩京記乃云非名手畫誤也城北老君廟吳畫杜甫詩云五聖聯龍袞千官列雁行畫手看前輩吳生獨擅場

光嚴寺

裴孝源云有董伯仁畫

天女寺

裴云有展畫今不見

已上東都

會昌五年武宗毀天下寺塔兩京各留三兩所故

歷代名畫記

卷之三
二十六

汲古閣

名畫在寺壁者唯存一二當時有好事或揭取陷於屋壁已前所記者存之蓋寡先是宰相李德裕鎮浙西創立甘露寺唯甘露不毀取管內諸寺畫壁置於寺內大約有

顧愷之畫維摩詰在大殿外西壁

戴安道文殊在大殿外西壁

陸探微菩薩在殿後面

謝靈運菩薩六壁在天王堂外壁

張僧繇神在禪院三聖堂外壁

張僧繇菩薩十壁在大殿兩頭

張僧繇菩薩并神在文殊堂外壁

展子虔菩薩兩壁在大殿外

韓幹行道僧四壁在文殊堂內

陸曜行道僧四壁在文殊堂內前面

唐湊十善十惡在三門外兩頭

吳道子僧二軀在釋迦道場外壁

歷代名畫記

卷之三
二十七

汲古閣

吳道子鬼神在僧迦和尚南外壁

王陀子須彌山海水在僧伽和尚外壁

顧畫維摩詰初置甘

露寺中後為盧尚書簡辭所取實於家以匣之大
中七年今上因訪宰臣此畫遂詔壽州刺史盧簡
辭求以進賜之金帛以
畫示百寮後收入內

述古之祕畫珍圖

古之祕畫珍圖固多散逸人間不得見之今粗舉

領袖則有

龍魚河圖

六甲隱形圖

五帝鈞命決圖

孝經秘圖

孝經左契圖

孝經雌雄圖

遁甲開山圖

王粲

甘泉宮圖

漢武

漢麟閣圖

武帝一
宣帝一

鴻都門圖

孔聖七
十子

西王母益地圖

舜

南都賦圖

戴安道

雲漢圖

劉褒

黃帝明堂圖

漢武

五嶽真形圖

漢武

韓詩圖

十四

論語圖

二

蚩尤王子兵法營陣圖

歷代名畫記

卷之三
二十八

汲古閣

魯班攻戰器械圖

黃帝攻法圖

伍胥水戰圖

吳孫子兵法雲氣圖

五星八卦二十八宿圖

十二星宮圖

三

日月交會九道圖

分野璇璣圖

八

望氣圖

一

河圖

十三又八卷

詩緯圖

一

春秋圖

一

孝經識圖

十二

浸譚泥圖

七

八卦八風十二時二十八宿音律圖 十一

周公成壞吉凶圖 一 妖怪圖 四

相宅園地圖 一 黃帝樊薛許氏相圖

陰陽宅相圖 一 馬像圖 八

三王相鷹圖 一 療馬百病圖 四

老子黃庭經圖 一 大蒐神芝圖 十二

黃帝昇龍圖 一 山海經圖 六又鈔圖一

太史公漢書圖 八又漢記圖三太史公画二十八人

歷代名画記 卷之三二十九 汲古閣

大荒經圖 二十六 河圖括地象圖 十一

天地郊社圖 諸鹵簿圖 不備錄篇目至多

古聖賢帝王圖 二又六 古瑞應圖 二

魏帝所撰雜畫圖 一 魏順應圖 四十

大駕鹵簿圖 三 明帝太學圖 三

列仙傳圖 一 搜神記圖 四

百國人圖 一 地形圖 張衡

地形方丈圖 裴秀 孫子八陣圖 一

太一三宮用兵成圖二 渾天宣夜圖 各一

日月交會圖 一〇 鄭玄註

章賢十二時雲雨氣圖 一

十二屬神圖 一 神農本草例圖 一

周禮圖 十四 周室王城明堂宗廟圖

江圖 三 劉氏又 一 張氏

吳孫子牝牡八變陣圖 二

黃石公五星圖玄圖 一 占日雲氣圖 京兆夏氏 魏氏並有

歷代名畫記 卷之三 三十 汲古閣

二十八宿分野圖 一 風角五音圖

三禮圖 十卷 阮誥等撰 又十二卷 隋文帝開皇 二十年勅有司撰 左武侯執旗侍官夏

侯朗 畫

爾雅圖 上下兩卷 陳尚書令江灌字德源至武 德中為隋州司馬并著爾雅贊二卷 音

卷六

忠孝圖 二十卷 唐故涼州都督李襲譽 貞觀三年撰 奏上嘉之 并傳贊

漢明帝畫宮圖 五十卷 第一起庖犧 五十雜 畫 贊 漢明帝雅好 畫圖 別立 畫官

詔博洽之士 班固 賈逵 輩取諸經 史事 命尚 方 畫工 圖 畫 謂之 畫 贊 至 陳 思 王 曹 植 為 贊

傳

益州學堂圖

十畫古聖帝賢臣七十子後代又增漢晉帝王名臣蜀之賢相牧守

似東晉時人所撰

魯廟孔子弟子圖

五是魯國廟堂東西廂畫圖

傳國璽圖

一姚察撰并記

洛陽圖

一名楊官圖狀楊佺期撰

區宇圖

一百二十八卷每卷首有圖虞茂氏撰

職貢圖

一外國酋渠諸蕃土俗本末仍各圖其來貢者之狀金樓子言之梁元帝圖

中天竺國圖

有行記十卷圖三卷明慶三年王玄策撰

歷代名画記

汲古閣

祥瑞圖

十卷起天有黃道失撰者三十一

符瑞圖

十卷行日月楊廷光并集孫氏熊氏圖

白澤圖

一卷三百二十事出抱朴子黃帝巡東海而遇之

古今藝術圖

五十卷既画其形又說其事隋煬帝撰

靈秀本草圖

六起赤箭終蜻蜒源平仲撰

本草圖

二十五其形狀蘇敬撰明慶中事

易狀圖

靈命本圖

辯靈命圖

二

二

右略舉其大綱凡九十有七尚未盡載

歷代名畫記

卷之三
三十二

汲古閣

歷代名畫記卷三終

